



Broj: 05/2-50-13-28-54/13
Sarajevo 03.12.2013. godine

ZAPISNIK

54. sjednice Odbora za žalbe građana Parlamentarne skupštine Bosne i Hercegovine, održane 21.11.2013. godine

Pedesetčetvrtu sjednicu Odbora za žalbe građana Parlamentarne skupštine BiH sazvaio je Mate Miletić – predsjednik Odbora, dok je sjednicom predsjedavala Amela Bašić – prva zamjenica predsjednika.

Sjednici Odbora, u svojstvu članova, prisustvovali su: Borislav Radić, Danica Berić, Marijan Milićević, Hamida Karčić, Ermin Pešto, te Aida Kreho – sekretar Odbora za žalbe građana Parlamentarne skupštine Bosne i Hercegovine.

Sjednici, iz opravdanih razloga, nije prisustvovao Mate Miletić.

Sjednici su, također, prisustvovali Ivan Mišetić i Mensur Frljak iz Granične policije BiH, Mujo Kamenjaš iz Direkcije za koordinaciju policijskih tijela BiH, te Ramiz Škulj iz Državne agencije za istrage i zaštitu.

Sjednica je počela u 14 sati.

Nakon što je konstatirano da postoji kvorum, predložen je sljedeći

DNEVNI RED

1. Usvajanje zapisnika 53. sjednice Odbora za žalbe građana;
2. Razmatranje predstavki dostavljenih od Državne agencije za istrage i zaštitu:
 - a) *Predstavka: 16-06-34-3-4486/13;*
3. Razmatranje predstavki dostavljenih od Direkcije za koordinaciju policijskih tijela BiH:
 - a) *Predstavka: 20-02/1-07-6-608/13;*
4. Razmatranje predstavki dostavljenih od Granične policije BiH:
 - a) *Predstavka: 17-06-34-7-1918/13;*
 - b) *Predstavka: 17-06-34-7-2114/13;*
 - c) *Predstavka: 17-06-34-7-2129/13;*
 - d) *Predstavka: 17-06-34-7-2258/13;*
 - e) *Predstavka: 17-06-34-7-2341/13;*
 - f) *Predstavka: 17-06-34-7-1957/13;*
 - g) *Predstavka: 17-06-34-7-2621/13;*
 - h) *Predstavka: 17-06-34-7-2422/13;*
 - i) *Predstavka: 17-06-34-7-2441/13;*
 - j) *Predstavka: 17-06-34-7-1640/13;*
 - k) *Predstavka: 17-06-34-7-2287/13;*

l) Predstavka: 17-06-34-7-2193/13;

m) Predstavka: 17-06-34-7-2198/13;

5. Tekuća pitanja

Dnevni red je jednoglasno usvojen.

Ad.1. Usvajanje zapisnika 53. sjednice Odbora za žalbe građana

Na prijedlog zapisnika sa 53. sjednice Odbora za žalbe građana članovi Odbora nisu imali primjedbi, te je zapisnik jednoglasno usvojen.

Ad.2. Razmatranje predstavki dostavljenih od Državne agencije za istrage i zaštitu:

a) Predstavka: 16-06-34-3-4486/13

Prva zamjenica predsjednika Odbora je dala riječ predstavniku nadležne policijske agencije, g. Ramizu Škulju, koji je obrazložio žalbu na ponašanje policijskog službenika Državne agencije za istrage i zaštitu. Također, članovima Odbora prezentirane su i radnje poduzete tokom obrade žalbe, te je zaključeno da je, u konkretnom slučaju, Odjeljenje za unutrašnju kontrolu obustavilo postupak zbog nedostatka dokaza da je policijski službenik učinio radnju koja bi predstavljala neku od povreda službene dužnosti.

Članovi Odbora jednoglasno su prihvatili izvještaj Državne agencije za istrage i zaštitu.

Ad.3. Razmatranje predstavki dostavljenih od Direkcije za koordinaciju policijskih tijela BiH:

a) Predstavka: 20-02/1-07-6-608/13

Članovima Odbora se, povodom dostavljene predstavke, obratio predstavnik Direkcije za koordinaciju policijskih tijela BiH. Nakon što je iznio sadržaj predstavke i obrazložio sve radnje poduzete u postupku njene obrade, zaključeno je da radnje i postupci koje su navedene u predavci nisu povezane sa radno-pravnim statusom policijskog službenika, te da u skladu s tim ne postoje ni elementi koji ukazuju na povredu službene dužnosti.

Članovi Odbora jednoglasno su prihvatili izvještaj po predavci Direkcije za koordinaciju policijskih tijela BiH.

Ad.4. Razmatranje predstavki dostavljenih od Granične policije BiH:

a) Predstavka: 17-06-34-7-1918/13;

b) Predstavka: 17-06-34-7-2114/13;

c) Predstavka: 17-06-34-7-2129/13;

d) Predstavka: 17-06-34-7-2258/13;

e) Predstavka: 17-06-34-7-2341/13;

f) Predstavka: 17-06-34-7-1957/13;

g) Predstavka: 17-06-34-7-2621/13;

h) Predstavka: 17-06-34-7-2422/13;

i) Predstavka: 17-06-34-7-2441/13;

j) Predstavka: 17-06-34-7-1640/13;

k) Predstavka: 17-06-34-7-2287/13;

l) Predstavka: 17-06-34-7-2193/13;

m) Predstavka: 17-06-34-7-2198/13;

Prije početka rasprave o ovoj tački Dnevnog reda, te razmatranja žalbi, odlučeno je da će se razmatranje predstavki broj: 17-06-34-7-2258/13, 17-06-34-7-2341/13, 17-06-34-7-2621/13, 17-06-34-7-1640/13, 17-06-34-7-2287, 17-06-34-7-2193/13 odložiti za narednu sjednicu, zbog odsustva nadležnog inspektora Granične policije BiH.

Predstavnik Granične policije BiH izložio je sadržaj predstavke broj: 17-06-34-7-1918/13. Članovima Odbora prezentirane su radnje i dokazi prikupljeni za vrijeme obrade predstavke, te je zaključeno da su sve preduzete radnje bile u skladu sa Zakonom o prekršajima BiH i Zakonom o policijskim službenicima BiH. Iz navedenih razloga, zaključeno je da su navodi iz predstavke neosnovani, što su članovi Odbora jednoglasno prihvatili.

Naredna predstavka koja je prezentirana članovima Odbora bila je predstavka broj: 17-06-34-7-2114/13. Nakon iznošenja svih okolnosti navedenih u predstavi, te poduzetih radnji na utvrđivanju istinosti iz navoda, utvrđena je teža povreda službene dužnosti policijskog službenika Granične policije BiH. Članovi Odbora jednoglasno su prihvatili Izvještaj o predstavi Granične policije BiH, te zadužili predstavnike nadležne policijske agencije da Odboru dostave Zahtjev za pokretanje disciplinskog postupka i Rješenje disciplinske komisije.

Naredna predstavka koju su članovi Odbora razmatrali bila je predstavka broj: 17-06-34-7-2129/13. Nakon što je predstavnik Granične policije BiH dao kratka pojašnjenja u vezi sa slučajem iz predstavke, članovi Odbora jednoglasno su prihvatili Izvještaj o predstavi u kojem je žalba ocijenjena kao neosnovana, obzirom da je utvrđeno da su sve poduzete radnje bile u skladu sa Zakonom o graničnoj kontroli i Pravilnikom o načinu obavljanja graničnih provjera i unosa podataka u putne isprave.

Predstavnik nadležne policijske agencije obrazložio je i predstavku broj: 17-06-34-7-1957. Nakon prezentiranja i sadržaja žalbe i Izvještaja o predstavi, zaključeno je da je žalba neosnovana. Naime, poduzimanjem svih radnji prilikom ispitivanja slučaja iz predstavke nesporno je utvrđeno da od strane policijskog službenika nije došlo do narušavanja javnog reda i mira. Članovi Odbora jednoglasno su prihvatili Izvještaj o predstavi.

Predstavku broj: 17-06-34-7-2422/13 članovima Odbora prezentirao je predstavnik Granične policije BiH. Prilikom ispitivanja navoda iz predstavke došlo se do saznanja da su navodi iz nje osnovani, te da je u konkretnom slučaju došlo do kršenja odredbi Zakona o graničnoj kontroli i Pravilnika o načinu obavljanja graničnih provjera i unosa podataka u putne isprave. U skladu s navedenim, protiv policijskog službenika pokrenut je disciplinski postupak i utvrđena teža povreda službene dužnosti. Članovi Odbora jednoglasno su prihvatili Izvještaj o predstavi i zadužili predstavnika Granične policije BiH da Odboru dostavi Zahtjev za pokretanje disciplinskog postupka i Rješenje disciplinske komisije.

Nakon prezentiranja sadržaja predstavke broj: 17-06-34-7-2441/13, te Izvještaja o izvršenim preliminarnim provjerama, zaključeno je da je policijski službenik obavljao svoje radnje u skladu s odredbama Zakona o graničnoj kontroli, te da navodi iz predstavke neosnovani.

Članovi Odbora jednoglasno su prihvatili Izvještaj o predstavci.

Konačno, članovima Odbora prezentirana je predstavka broj: 17-06-34-7-2198/13. U skladu sa provedenim radnjama, koje se navode u Izvještaju o izvršenim preliminarnim provjerama, zaključeno je da su policijski službenici postupali u skladu sa zakonskim odredbama te da osnova za žalbu nije bilo. Članovi Odbora jednoglasno su prihvatili Izvještaj Granične policije BiH o predstavci.

Ad.5. Tekuća pitanja

Rasprava o ovoj tački Dnevnog reda nije vođena.

Sjednica Odbora za žalbe građana završena je u 16 sati.

Sekretar
Odbora za žalbe građana
Aida Kreho

Prva zamjenica predsjednika
Odbora za žalbe građana
Amela Bašić